
Болажонлар байрам совғалари билан сийланди

Янги йилни ҳаммадан ҳам кўпроқ жажжи болажонлар интиқлик билан кутади. Бу бежиз эмас, албатта. Чунки ажойиб тарзда ташкил этиладиган Янги йил арчаси томошалари уларга чексиз қувонч, завқ бағишлайди.

Ана шундай хурсандчиликларга бой байрам муносабати билан анъанавий “Президент арчаси” тантаналари бугун Ўзбекистон туманида ҳам ташкил этилди.





Янги йил байрами арафасида болажонларга шодлик улашиш мақсадида уюштирилган ушбу тадбирга тумандаги ижтимоий ҳимояга муҳтож, кам таъминланган, боқувчисини йўқотган оилалар фарзандлари таклиф этилди.

Тадбирда иштирок этган туман ҳокимининг биринчи ўринбосари Мамадолим Сатторов барчани байрам билан қизғин қутлади.





Безатилган арча атрофида Қорбобо ва Қорқиз, турли эртақ қаҳрамонлари иштирокидаги театрлаштирилган томошалар давомида болажонларга совғалар улашилди.

Ўзбекистон тумани ҳокимлиги Ахборот хизмати

2019-12-27 20:56:08